

GAA-GII MAANZHIDOODAWINDWAA GE-IZHI-WIJI'AAGANIWIWAAPAN OMAA KANADA AKIING.

GE-AABAJITOOWAAPAN OSHKI-AYAAG GAA-GII-MAANZHIDOODAWINDWAA GAYE GAA-GII-WAABANGEWAAAD JI-DIBAAJIMOWAAD

Wegonenan ono ge-aabajitoowaapan ji-dibaaajimowaad?

Imaa Maanzhidooramowin Mazina'iganing ozhibii'igaade aaniin ge-izhi-wiji'indwaaban oshki-ayaag gaye igi gaa-gii-waabangewaad maanzhidooramowin midaaso-shi-nishwaaso gaa-ako-daso-biboonewaad, nawach ji-wendaninig ji-dibaaajimowaad. Da-wendan nawach ji-dibaaajimowaad ogowe apii dibaakonigeng. Daabishkoo owe:

- Gaawiin memwaach biinji-dibaakonigewigamigong daa-dazhi-dibaaajimosiwwag oshki-ayaag gaye gaa-gii-waabangewaad wii-dibaaajimowaad, bizaanigo daa-mazinaateshimaawag. Gaawiin dash memwaach o-daa-waabamaasiwaawaan gaa-gii-maanzhidooramowinid.
- Oshki-ayaag gaye gaa-gii-waabangewaad o-daa-ayaawaawaan awiyan ji-wiijigaabawitaagowaad apii dibaaajimowaad.

Godag ge-gii-aabajitoowaapan igi oshki-ayaag gaye igi gaa-gii-waabangewaad jidibaaajimowaad ono o-daa-aabajitoonaawaa:

- Gakina gemaa aaninda eta awiyag daa-inaawag ji-zaaga'amowaad megwaa dibaakonigeng giishpin oshkaadiziwwag gaa-gii-maanzhidooramowinid gemaa gaa-gii-waabangewaad, gemaa daa-gibiiginigaadeni ji-waabamaaganiwisigwaa.
- Bizaanigo gaa-oshkaadiziwwag gaa-gii-maanzhidooramowinid gemaa gaa-gii-waabangewaad daa-mazinaateshimaawag

jibwaa-dibaakonigeng daa-waabanjigaadeni dash megwaa dibaakonigenaaniwwag.

- Bizaanigo dibaakonigewinini daa-ayaa ji-gagweejimaadin gaa—oshkaadizinid giishpin ganootamaazod awe gaa-gii-maanzhidooraaged.

Gaa-maanzhidooramowin Debwe!

Iwe Inaakonigewin Ge-wiiji'igowaad Gaa-gii-maanzhidooramowinid Omaa Kanada akiing (Canadian Victims Bill of Rights) gaa-ijigaaded gii-ozhichigaade Miskominigiizis 23, 2015 gii-izhiseg. Owe inaakonigewin izhi-miinaa endaso-gaa-gii-maanzhidooramowinid, oshki-ayaag gaye ji-wiiji'indwaa, gaawiin ji-gotaajisigwaa gii-dibaaajimowaad, ji-gosaawaad gaa-gii-maanzhidooraagenid. Gaye o-daa-gashkitoonaawaa ji-aabajitoowaad ge-wiiji'igowaad, nawach ji-wendaninig ji-dibaaajimowaad. Amii ezhi-miinind gakina awiwa gaa-gii-maanzhidooramowinid.

Aaniin ge-onji-gashkitoowaan igi gaa-gii-maanzhidooramowinid gaye igi gaa-gii-waabangewaad gaawiin mashi 18 gaa-dasobiboonewaad gii-izhitamawindwaa iwe?

Igi gaa-oshkaadiziwwag gaa-gii-maanzhidooramowinid gemaa gaa-gii-waabangewaad o-daa-gagweejimaawaan gaa-dibaakonigenid ji-izhi-wiiji'aaganiwiwaad. Awe dash gaa-dibaakoniwwag daa-gagwedwe dibaakonigewigamigong ji-izhi-wiiji'aaganiwwag megwaa



Enendaagozid
ji-ayaaad
wiindamaagewin



Enendaagozid
ji-ganawenimind



Enendaagozid
ji-dagwiid



Enendaagozid
ji-gagwe-debinaman
ji-giwe-diba'
amaagooyin gaa-gii-wanitooyin



Enendaagozid
ji-maanaabandaman



Government
of Canada

Gouvernement
du Canada

Canada

dibaakonigenaaniwang. Bizaanigo gaye daa-gagwedwe dibaakonigewigamigong ji-izhi-wiiji'aaganiwid. Gaawiin memwaach ji-waabamaaganiwid dibaakonigewigamigong.

Giishpin izhi-gagwedweng ji-gibiiginigaadeg gaawiin ji-waabamaaganiwisig gaa-gii-maanzhidoodaagod, gii-dibaajimod mazinaatesichiganing gemaa ji-wiijiwigod awiyan gemaa ji-aabajitood gaa-mazinaatesenig daa-wiiji'we dash dibaakonigeogimaa giishpin inendang ji-onji-minosed awedi gaa-gii-maanzhidoodaawaaganiwid, gaawiin dash gaye ji-onji-maanzhisesig awedi gaa-gii-maanzhidoodaaged apii dibaakonaaganiwid. Giishpin ganootamaazod awe gaa-dibaakonaaganiwid dibaakonige-ogimaa daa-inaakonige ji-ayaad dibaakonigewinini ge-gagwejimaad gaa-ayaad imaa ji-gagwejimaaganiwid. Giishpin eta inendang dibaakonige-ogimaa bizaanigo awe gaa-dibaakonid ji-gagwejimaad ini gaa-gii-waabangenid.

Giishpin gagwedweng ji-bagidinaaganiwisigwaa aaninda gemaa gakina gaa-ganawaabiwaad gemaa ji-bagidinind gaa-oshkaadizid gaa-gii-waabanged ji-gaagiigidod gaa-izhi-gibiiga'igaadenig ji-waabamaaganiwisig o-daa-mikwenimaa' ini gaawiin mashi 18 gaa-daso-biboonesigwaa gaa-gii-waabangewaad. Dibaakonige-

ogimaa gaye o-daa-naanaagadawendaan dibaajimowin giishpin andawenjigaadeg ji-naadamawindwaa igiwe gaa-gii-waabangewaad ji-gotaajisigwaa ji-miigaanaaganiwiwaad e-dibaajimowaad.

Bizaanigo na gaa-gii-mamaanzhiid daa-ikido e-andawendazig iwe ji-izhi-wiijindwaa igi gaa-oshkaadiziwaad gaa-gii-waabanged gemaa gaa-gii-maanzhidoodaawind?

Iwe Mamaanzhii Mazina'igan ozhibii'igaade ji-naadamawindwaa igi gaa-oshkaadiziwaad gaa-gii-maanzhidoodaawindwaa gemaa gaa-gii-waabangewaad, nawach ji-wendaninig ji-dibaajimowaad bekish dash weweni ji-dibaakonaaganiwid awe gaa-gii-maanzhidoodaaged. Ningoding dibaakonige-ogimaa gaawiin da-ikido gemaa bangii eta ji-izhi-wiiji'indwaa igi gaa-oshkaadiziwaad ji-wiidookawaaganiwid gaa-gii-mamaanzhiid.

Aaniindi Giiyaabi Wiindamaagewin Eyaamagak?

Giishpin giin gema awiya gaa-gikenimad gaa-maanzhidoodaawind, daa-wiiji'aa. Gakina akiising ayaamagan ji-wiiji'indwaa gaa-gii-maanzhidoodaawindwaa. Gidaa-wiiji'igoog giishpin andawendaman ji-wiindamaagooying geroon gemaa godag geroon. Victim Services Directory izhinikaade iwe jiigi gaa-ayaayin:

<http://www.justice.gc.ca/eng/cj-jp/victims-victimes/vsd-rsv/index.html>